



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. I. An exempti ab Ordinarijs subsint Legatis Apostolicis?

---

[urn:nbn:de:hbz:466:1-73031](#)

illius jurisdictioni; quæstio moveri potest, an, & in quibus eidem subjiciantur, non *ut Ordinario*, sed *ut delegato Papæ*: de quo plura sunt in Tridentino circa præsentem quæstionem decreta, ut constat. *ex seqq.* Unde in præsenti queritur solum in speciali, qui sint illi casus, in quibus Episcopi, & Ordinarij locorū, contra Regulares exemptos ab eorum jurisdictione ordinaria, *tanquam delegati Papæ* procedere possint? & quoniam plura sunt, quæ in quæstionem venire possunt, de illis dicemus *in seqq.*

## Q. I.

*An exempti ab Ordinarijs subsint Legatis Apostolicis?*

**P**ro' resolut. not. 1. Legatos Papæ esse judices Ordinarios in provincia sua legationis, & jurisdictionem eorum esse ordinariam, ut dicitur c. 2. *de offic. legati.* *in 6. junct. gloss.* ibid. (cùm eorum jurisdictione sit potestas publica, quæ alicui ex proprio munere, vel officio competit; hoc enim sonat jurisdictione ordinaria, ut notat Pereyra *in Elucidario num. 1185.*) sed extraordinariè competentem; cùm non sit à jure deputatus certus locus pro Legato, ut observat Panormit. *de offic. Legati,* *num. 3.*

Ad quæstionem factam respondet Henriquez *l. 7. de indulg. c. 25. nu. 3.* Regulares exemptos à jurisdictione Ordinarij, etiam exemptos esse à jurisdictione Nuntij Apostolici: alij autem volunt, eos nullatenus exemptos à jurisdictione Legati Papæ; sic Romanus, & alij apud Sanchez lib. 6. *consil. c. 9. d. 1. num. 17.* alij docent exemptos esse à jurisdictione omnium Legatorum, etiam *de latere*; sic Tabiena. V. *Exemptus.* & Rosella apud eundem *nu. 6.* Ancharanus, c. 2. *de V. S. in 6.* Horum sententia suaderi videtur ex eo saltem, quoad illos, quibus exemptione data est à jurisdictione omnium, vel *quorumcunque* Ordinariorum, aut sub verbis *omnino exempti:* si enim sunt exempti à jurisdictione *quorumcunque* Ordinariorum, eo ipso etiam exempti sunt à jurisdictione omnium Legatorum. Nam & hi sunt Ordinarij, ut dictum est *n. 2372.* & si illis subessent, non forent exempti *omnino.*

Verum Sanchez cit. *nu. 19.* censet non obstante privilegio exemptionis etiam sub illis terminis dato, Regulares esse quidem exemptos à jurisdictione Legatorum, qui sunt *Nati tantum*, vel *missi*; non tamen ab horum, qui sunt de latere. Hujus sententiae probatio sumitur 1. *ex c. si Abbatem, de elect. in 6.* ubi dicitur: quod si Abbas Papæ immediatè subjectus eligatur in Episcopum, nemo possit ei dare licentiam deserendi Monasterium, nisi Papa, vel Legatus de latere (ratione statim annexa) quia hic potest prædictas exemptorum electiones confirmare. Secundo ex c. 1. *de V. S. in 6.* ubi dicitur: quod quando Papa recipit aliquos in proprios filios, non videatur per hoc concedere exemptionem; sed quod non possint ab alio, quam a se, & à Legato de latere excommunicari, quo (ut ait Sanchez cit.) Papa in privilegiis exemptionis ab Ordinariis, videtur purificare sibi *Legatum de latere*, ut scilicet in illis non excludatur jurisdictione ejus, nec sua, præsertim cùm in cit. c. si *Abbatem*, etiam addatur hujusmodi *Legatum majus omnibus, post Romanum Pontificem, in Provincia sibi decreta, Imperium babere, & Archiepiscopum, & Episcopum, & exemptorum electiones, posse ex officio confirmare;* secus Legatos alios, sine speciali commissione, quamvis illi recipiente hunc textum solum quoad casum expressum.

## Q. II.

*An, & qualiter exempti, vi Tridentini subiçiantur locorum Ordinarijs quoad prædicationem?*

**Q**uoad hanc materiam sic loquitur Tridentinum *sess. 5. de reform. c. 2.* Regulares cuiuscunque Ordinis, nisi de suorum Superiorum licentia, etiam in Ecclesijs suorum ordinum, prædicare non possint; cum qua bientia personaliter se coram Episcopis presentare, & ab eis benedictionem recipere teneantur, antequam prædicare incipient: in Ecclesijs vero, que suorum ordinum non sunt, ultra suorum Superiorum, etiam Episcopi licentiam, habere teneantur, gratis concedendam, & *sess. 24. de reform. c. 4.* decretum est, ne nullus secularis, vel Regularis, etiam in Ecclesijs